

علم حقوق

مقایسہ قوانین مجسٹریٹری

ہر آئی نشر اول نور

مؤسس و صاحبی

کو ملجہ مہرئی : محمد عارف

حق استیضاح — حق سؤال

محمد عارف

— ۱ —

حق استیضاح

حکومات مشروطه نك انك مهم اساس وقاعده سی قوه اجرائیه نك كرك سیاست و كرك منافع عمومیه ده كندیلرینه ویرلمش اولان اقتدار ی نه وجهله استعمال ایتدكاری نی مجلسه بیلدیرملری و دولتك سیاست عمومیه و خصوصیه سندن آنی خبردار ایتلمری قضیه سیدر . بواساس فرانسه ده برنجی « قونستیتو آنت » طرفندن ویرلمش اولان ۲۱ حزیران سنه ۱۷۹۱ تاریخی بیاننامه ده « ناظرلر مجلسك اوامری نی تلقی و مجلسه معلومات لازمه اعطا ایتك ایچون اجتماعه قبول ایدیه جكلردر . » جمله سی ایله بواساس قبول ایدلمش و مجلس تشریعینك نظامنامه داخلی شمدیکی اصول استیضاحك حال رشیعنی احتوا ایتمش دینلمشدر كه : « ناظرلر مجلسه حاضر بولندقلری وقت ریئسدن بشقه بر اعضا هیچ برصورتده ، دوغریدن دوغری یه ، استیضاح ایده مه جكلدر . فقط اعضای سائر طرفندن ارزو ایدیلان ایضاحاتی ریسه تکیف ایده جك و ریئس ده اول امرده ناظرلر جواب ویرمسی ایسته یوب ایسته مدیكنی مجلسله استشاره ایده جكلدر . »

فرانسه ده بوندن صکره ۱۸۴۹ تاریخنه قدر نشر ایدلش اولان نظامنامه لرده بوخصوص مسکوت عنه براقلمشدر .

تاریخ مذکورده نشر اولنان نظامنامه استیضاحک تحریر آ رئیس و برلسی و بلامذا کره کونی تعیین ایدیلهرک اسباب موجبلی قراره ربط ایدلسی اساسی وضع ایشدر .

حق استیضاح فرانسه ده ۱۸۵۲ ده بالطبع لغو ایدیلهرک ۱۸۷۰ ده تکرار باشلامش و بالاده مذکور ۱۸۴۹ تاریخی نظامنامه ک اساسی دائره سنده بر اصول اتخاذ اولنشدر .

بزم قانون اساسینک قرق اوچنچی و هیئت معبوثان نظامنامه داخایسنک یکرمی طقوز ، اوتوز و اوتوز برنجی ماده لری نظاردن نهوجهه استیضاح واقع و نتیجه سنک نهیه منجر اوله جفنی تعیین و تصریح ایتکدهدر .

قانون اساسینک قرق اوچنچی ماده سی :

استیضاح ماده ایچون وکلادن برینک حضورینه مجلس مبعوثانده اکثریتله فرار و یریلهرک دعوت اولندوقده یا بالذات بولنهرق و یاخود معیتنده کی رؤسای مأموریندن برینی کوندره رک ایراد اوله جق سؤالره جواب و یره جک یاخود لزوم کوریرسه مسئولیتی اوزرینه آلهرق جوابنک تأخیرینی طلب ایتک حقی حائز اوله جقدر . نتیجه استیضاحده هیئت مبعوثانک اکثریت آراسیله حقنده عدم اعتماد بیان اولنان ناظر ساقط اولور . رئیس وکلا حقنده عدم اعتماد بیان اولندی حالده هیئت وکلا هپ بردن ساقط اولور .

نظامنامه داخایسنک یکرمی طقوزنجی ماده سی :

برمادهنک وکلای دولندن استیضاح اولنسنی مبعوثاندن بری تکلیف ایتدیکی حالده رئیس اسباب موجبینی حاوی برتقریر تقدیم ایتک لازم کلور . بوتقریر هیئت عمومیه قرائت اولندقدن صکره اساس مادهنک مذاکره سنه کیریشلمیه رک قبول و عدم قبولی حقنده رایه مراجعت اولور . اکثریت آرا ایله قبول اولورسه

بر کون تعیینته قرار ویریلور . کیدوسندن استیضاح ماده اولنه حق ذواتک اوکون هیئت مبعوثانه گللی ویا معینته کی رؤسای مأموریندن بری کوندرمسی ایچون استیضاح اولنه حق ماده نك تصریحجه برابر رئیس طرفندن دعوتنامه یازیلور .
 اوتوزنجی ماده :

وکلای دولتدن دعوت اولنان ذات یوم معنده بالذت حاضر اولدینی ویا معینته کی رؤسای مأموریندن بری موجود بولیدینی حالده هئت عمومیهده استیضاح ماده اولدقدن صکره آلنه حق جوابه اعضای موجود نك بری مقابله ایدمه یوب تکلیفک صاحبی اولان مبعوث اولا وسائر مبعوثان مؤخرآ ایرادکلام ایدرلر .
 اوتوز برنجی ماده :

وکلادن مدعو اولان ذاتک ویا نالوکاله کلان مأمورک ویردیکی ایضاحات و تکلیفک صاحبی اولان مبعوث طرفندن بالمقابله وقوعبولان افادت اوزرینسه ایضاحاتک کافی اولوب اولدینی حقهده بعدالذاکره رایه مراجعت اولنور . هیئتجه ویریه جک قرارده اسباب موجب کوسترلمسی تکلیف ایدن اولور ایسه اسباب موجبینی مبین برورقه تنظیم ورینسه اعطا ایتمسی لازم کلور . اسباب موجبیه یاسندن صرف نظر اولمسی حقهده اکثریت آرایه مراجعت اولنور . «
 بزده مجلس مبعوثانک اجتماعندن بری وقوع بولان استیضاحات نظامنامه داخلی موجبجه اعضادن بری ویا برقاچی طرفندن ریاسته خطاباً بر تقریر ایله طلب اولنور و تقریر مذکور هئت عمومیهده بالقرائه اساسی مذاکره ایدلمیه ک قبول ویا عدم قبولی حقهده رایه مراجعت اولنوب اکثریتله قبول ایدلدیکی حالده یوم استیضاح تعیین اولنه رق عائد اولدینی ناظر دعوت ایدیلور . وبعضاده قبول وعدم قبولک مذاکره سی ایچون بریوم مخصوص تعیین اولنور . نته کیم بوندن مقدم رضا بوربک کیفیت توقیفندن و اداره عرفه طرفندن اشکنجه اجرا ایدلمیکده اولدیغندن بحثله حق پاشا قایینه سندن استیضاح ماده ایدلمسندادر رسم مبعوثی لطفی فیکری نك ورففاسی طرفلرندن ویرلمش اولان تقریرک قبول وعدم

قبولی يوم قرائتده قرار کبر اوله میهرق برای مذا کره روزنامه به ادخال ایدلمش و برکون جریان ایدن مذا کره نتیجه سنده اکثریتله عدم قبولته قرار ویرلمشدر .
بومستله ده نظامنامه داخلینک یکر می طقورنجی ماده سنه یک ده توفیق حرکت ایدلمه مشدر .

دردست مذا کره اولان نظامنامه داخلینک نشرندن صکره بعض موادینک موافق اولدینی اکلایشیلنجه درحال تعدیانه تشبث ایدیلوب تعدیل ایدیلنجه قدر احکامنه رعایت اوله حقی مأمولدر .

چونکه مشروطیتک اساسی اولان اطاعت قانونیه و نظامیه آنحق بووجهله تأمین ایدلمش اوله جقدر . مجلس ماینک قوانین و نظامات صریحیه رعایسکار اولماسی عموم عنایتلره نمونه امتثال اولور .

حق استیضاح حقنده زده موجود اولان احکام قانونیه و نظامیه و تعامل بونلردن عبارتدر . فرانسه قانون اساسی حاضرنده حق استیضاح حقنده بر صراحت یوقدر . فقط مسؤولیت وکلا محئی بونی ده شاملدر . کرك مجلس اعیانده و کرك مجلس مبعوثانده حکومتدن استیضاح کیفیت ایتمک ایستین هراعضا رئیسه تحریراً مراجعت ایدر . بومحریراً مراجعت مجبوری قطعیدر . شفاهاً وقوع بولان مراجعات هیچ بوقت قبول اولنهماز . استیضاح تقریری خلاصه استیضاحک اساسی احتوا ایدر . رئیس اونی هیئت عمومیه ده او قودر .

فرانسه ده استیضاح تقریری ، زده اولدینی کبی ، اعضادن یالکیز بری طرفندن ویربله یلیر . حالبوکه آوستریاده مجلس مبعوثانده لاقلا اون بش و مجلس اعیانده ده اون اعضادن دون اولورسه استیضاح تقریری قبول اولنهماز . المانیاده رایخشتاخ مجلسنده ده استیضاح تقریرینک قبولی ایچون اوتوز اعضانک موجودتی لازمدر .

روسیده ده ۱۹ اغستوس ۱۹۰۵ تاریخلی قانون ، مجلس ملی به استیضاح حقی ویردی . قانون مذکورک ۵۸ ، ۵۹ ، ۶۰ ، و ۶۱ نجی ماده لری مجلسک بو باده کی صلاحیتی تعیین ایدر :

۵۸ نجی ماده : ناظر و یا خود او نلره تابع دوائر و مؤسسات رؤسائیک قوانین مرعیه احکامنه تجاوز ایتدکیرینه شبه اولنان معاملات حقنده استیضاح کیفیت لازم کلدکده اعضا طرفندن رئیس بر تقرر تقدیم ایدیلوب اشبو تقررده هانکی قانونک نه صورتله احکامنه تجاوز ایدلمش اولدینی کوسترملک لازم کلیر. استیضاح تقررری لاقلا اوتوز امضایی حاوی اولورسه رئیس هیئت عمومیه ده قرائت ایتدیرر .

۵۹ نجی ماده : اکر استیضاح طلبی دومانک اکثریتی طرفندن قبول ایدیلبرسه ناظر و یا دائره رئیسنه تبایغ اولنور .

۶۰ نجی ماده : ناظرلر و یا دائره رئیسلری استیضاح تقرریرینک کندیرینه تبایغندن حد اعظمی اوله رق بر آی طرفنده معلومات و ایضاحات لازمه یی دوما مجلسنه اعطا ایدرلر و یا خود ایضاحات مطلوبه نك اعطاسی غیر قابل اولدینی اسباب موجب سی ایله بیلدیررلر .

۶۱ نجی ماده : اکر دوما نظارت و یا دائره نك اشبو بیاناتنک عدم کفایتنه اکثریت ثلثان آرا ایله قرار ویررسه مسئله شورای دولت طرفندن ایمر اطوره عرض اولنور . »

ژاپونیانک ۱۱ شباط ۱۸۸۹ تاریخی قانون اساسیمی حق استیضاحی بر درجه یه قدر محدود اوله رق قبول و تأسیس ایتدی . قانون مذکورک قرقجی ماده سنده « هرا یکی مجلس بر مسئله تشریعه و یاسا بر ماده اوزرینه حکومتدن استیضاح ماده ایده بیلیر . فقط بواسطیضاح قبول ایدلمزسه عینی دوره اجتماعیه ده تأکید ایدیه من . » دیومحرر اولمسنه نظر آ ژاپونیاده حق استیضاحک عینی مسئله حقنده محدود یعنی بر دفعه یه مقصور اولدینی آ کلاشلور . بر دفعه رد ایدلمش اولان استیضاح تقررری او سنه دوریه ایچنده بر دها تکرار اولنه باز . برده استیضاح تقرریرینک قبولی ایچون اوتوز اعضا طرفندن امضا ایدلمش بولمسی مشروطدر .

فرانسه‌دهه رئیس ویریلان استیضاح تقریری بعضی تعبیرات غیر لایق بی محتوا
ایدرسه رئیس تقریری کاملاً قرائت اینتدیرمه یوب یالکیز مندرج‌نشدن بحث
ایدر . یا خود تقریر حکومتك سوء معاملاتى حقنده بر حکمی حاوی اولورسه
تمامله اوقوتما یوب یالکیز محتویاتندن مجلسه معلومات ویرر .

کرك بزم نظامنامه داخلیمزده و کرك فرانسه نظامنامه سنده استیضاحی ایجاب
ایدن مواد تعیین ایدلمدیکی جهته مشروطیت علمینده بر ماهیتی ده حائز اولمایان
هرنوع استیضاح طلبلرینك قبول ایديله چکی آکلاشلمقده در . فرانسه‌ده ماهیت
مذکوره بی حائز اولان استیضاح تقریرلری رئیس طرفندن قبول ایدلمز .

نته کیم فرانسه مجلس مبعوثانه اعضادن موسیو لاکر طرفندن « دیوان عالی
هیئت تحقیقه-سك راپورینی اعطایا خصوص سنده کی بطاآت وعطالتندن ناشی »
استیضاحه دائر ویریلان تقریر رئیس موسیو مه لین طرفندن ده اسباب آتیه به
مبنی رد ایدلمشدر :

« اشبو استیضاح بو مجلسده دیگر هیئت ملیه به قارشی - اعیان مراد
اولونیور - وقوع بوله حق هرنوع تجاوز نظامنامه به وقوای عمومیه نك وظائفی
تعیین ایدن مشروطیته تجاوز ظاهری بی محتوا ایندیكندن شایان قبول دكلدر .
و مجلس اعیان قوه عدلیه بی مشروطیتك ایجاباتندن اولمق اوزره حائز اولدیغندن
وظیفه مذکوره بی یالکیز مملکته قارشی مسؤلیتی تحتنده ایفا ایدر . بناءً علیه
بو خصوصده هیچ کیمسه به تابع اولمدیغی کی هیچ کیمسه ده یعنی نه حکومت
ونده مجلس مبعوثان اونی تخطئه ایتمك ویا اوکا نصیحت ویرمك حققی حائز
دكلدر . »

بونك اوزرینه استیضاح طالبی اصرار ایتمکله رئیس اشبو تقریری هیئت
عمومیه قرائت ایدرهك نتیجه مذاکره مشروطیه مغایر اولدیغندن ناشی
اکثریتله رد ایدلمشدر . بونك اوزرینه « دیوان عالی به قارشی حکومتك وضعیتی »
حقنده تکرار بر استیضاح تقریری ویرلش و رئیس اشبو تقریر ایله حکومتك

دیوان عالی به قارشی و ضمیمی استیضاح ایدلمك ایسته نیلیدیکی جهتله ردنی موجب بر سبب موجود اولمدیغنی بالیان تقریری بالقبول او قوت مشدر .

هر نه قدر ناظر تعینی حقوق حکمرانی جمله سندن ایسه ده بر ناظر ك تعینندن دولای ده استیضاح ماده ایدیه بیایر . بر ناظر ك و یا خود ناظر لرك استیضاح ایدوب ایتمک لرینه ویرینه بشقه لرینك تعین اولنوب اولمدیغنه دأر ایضاحات طلبنه دأر ویریلن تقریر شایان قبولدر . هر نه قدر اشبو خصوصیات پك ده موافق مصلحت دكسه ده مشروطیته ده مغایر اولمدیغنی کبی دیگر سهتمن ولوکه نظار ك تعینندن دولای اولسون رئیس حکومت مسئول اولمدیغنی جهتله بو قیلدن وقوع بوله حق استیضاحاته ، حقیقته ، قابینه رئیس مخاطب عد ایدیلور .

دول اجنیه ایله عقد معاهده حقی دوغریدن دوغری به حکومت عائد وظیفه دن اولغله برابر هنوز مذاکره سی اكمال ایدلمه مش اولان معاهدات دوله حقه ده استیضاح کیفیت ایتمک ده ، مغایر مشروطیت عد ایدلمدیکندن ناشی ، قبول اولنور .

عجا معاملات محاکدن دولای عدلیه نظارتندن استیضاح ماده ایدیه بیایر می؟ .. بو مسئله حقیقه غایت مهمدر . بونك ایچسون معاملات عدلیه بی صفحات متعدده به تقسیم ایتمک لارمدر . معلومدر ، که بر جرمك وقوعی اوزرینه اول امرده ضابطه عدلیه مأمور لری تحقیقاته باشلارلر . بونك اوزرینه اشبو تحقیقات اوراقی و دلائل جرمیه مدعی عموم بلك معرفتی ایله مستنطقه یعنی تحقیقات حاکمه تودیع اولنور . مستنطقه کچه ده اكمال معامله ایدلکدن سکره جرمك درجه سته کوره عائد اولدیغنی محکمه به سوق اولنور .

ضابطه عدلیه معرفتی ایله اجرا ایدیلن تحقیقات بر معامله اداریه دن اولغله برابر انشای جریانده استیضاح ماده ایدیلر ك عدله ناظر نی تحقیقات نه مرکزه جریان ایتمدیکنی سویله مک مجبور ایتمک تحقیقات اجرا نی اشکال ایدیه بیله چکی و بلکه ده حقیقت حاکم ظاهره اخراجنی تصعیب ایده چکی دوشو .

نیله جك اولورسه خصوصات مذکورده استیضاحك نه قدر تهلكه لی و محذوردن غیر سالم اولدی بی اظهار ایدر . واقعا سویلنمسی محذوری داعی اولیه جق بر قسم تحقیقات موجود اوله بیلبرسه ده اونلر اودرجه ده حائر اهمیت اولیه جغندن استیضاحدن مطلوب ومنتظر اولان فائده ده تأمین ایدیه مز .

زیرا بوکی احوالده ورود ایده جك اولان ناظر تحقیقاتك قانون دائره سنده جریان اتمکده اولدیغی و قریباً تحقیقات ابتدائیه نك ختامی ایه . مستنطقلکه تودیع کیفیت ایدیه جکئی سوبله مکدن بشقه ایضاحات ویره مز . مستنطقلکه ایه مستنطقك صفت حاکمیتی حائر بولندیغی جهنله بطاقت تحقیقاندن مسئول ایدلمسی مشکل اولوب آنجق تسریع تحقیقات ایچون مدعی عموماً مکات ایکیده رده مستنطق تحت مراقبه ده بواندیر مسندن بشقه پایله جق بر طریق قانونی یوقدر . مستنطق شاید مغایر قانون بر معامله یاه جق اولورسه نصیحی ایچون طرق قانونیه ته توسلدن بشقه برشی پایله ماز . مکرکه وظیفه سی سوء استعمال ایده .. احوالده حقنده معامله قانونیه اجراسنه تشبث اولنور .

اوراق محکمه ته تودیع ایدلمش اولورسه محاکماتک علی اولمسی و اتخاذ ایده جکی مقرراندن حکامک غیر مسئول بولنمی اعتباریه قانون دائره سنده جریان ایدن معاملاتدن طولانی عدلیه ناظری ده مسئول طوتیه ماز .

بناء علیه معاملات عدلیه دن طولانی استیضاحاتده بولنق حکامک نظردقنی جلبه وسیله اولورسه ده بوندن طولانی عدلیه ناظری مسئول طوتمق جائز اوله ماز . چونکه عدلیه ناظری معاملات عدلیه دن مسئول طوتمقده قانون اساسینک تأمین اتمش اولدیغی استقلال محاکم ولایتیزلیت حکام قواعد اساسیه نك تألیفی ممکن اوله ماز .

زده شمده ته قدر معاملات عدلیه حقنده استیضاح تقریری ویرلمه مشدر . یالکز بر مسئله مهمه نك تحقیقات اولیه نك ، ضابطه معرفتی ایه اجرا ایدلایکندن ناشی ، داخلیه نظارتدن استیضاحندن بشقه امثاله تصادفی ایدلمه مشدر .

حتی بو مسئله ده تفریق قوای حکومت نظریه سی ده موضوع بحث اوله بیلور .
یعنی قوه عدلیه قوه تشریعیه واداریه دن تمایله خارج و مستقل اولدیغندن
استیضاحی قبول ایتک اشبو استقلالیتی اخلال ایده بیلیر ملاحظه سی ده وارددر .
حاصلی . نتیجه اولمق اوزره ، شونی سویله لم ؛ که عدلیه نظارتک معا-
ملات اداریه سندن استیضاح ماده ایتک هر وقت جائز و قانونیدر . معاملات
محا که کلمه : «بالاده کی تفصیلاتدن اکلاشیلیور که محاکم مستقل و حکام لایمزل
بولدقنری جهته استیضاحدن بکله نیلن نتیجه حاصل اوله ماز . چونکه
استیضاحک نتیجه سی ناظر مسئولی حقنده اعتد و یا عدم اعتماددر . حالبو که
ناظرک حکام اوزرینه هیچ بر وجهله اجرای تاثیر ایتسی و حکامک معاملاتنه ،
حکمرینه قارشمسی جائز اولمادیغندن معاملات محاکمدن طولانی عدلیه ناظرینی
مسئول ایتک قانوناً وظیفه دار اولمادیغی معامله دن طولانی کندیسنی معاتب
ایتمکدر بونک عقلاً منطقاً جائز اولمادیغنی سویله مکه حاجت یوقدر .

استیضاحک یوم مذاکره سنی تعیین ایتک ده مهم بر کیفیتدر . بزده تقریر
استیضاحک نه وقت اوقونه جغه دائر بر صراحت نظامیه اولماقده برابر تعامل ده
موجود دکادر . دیگر تقریر لر هانکی کون ونه زمان قرائت اولنور سه استیضاح
تقریر لری ده او آرا ده اوقونور ، چیقار . فرانسه ده مذاکره نک حسن جریانی
نامین ایچون رئیسک استیضاح تقریر لری جلسه نه ساینده اوقونمغه و یوم مذا-
کره سنی تعیین ایتدیر مکه صلاحیتی وارددر . مع مافیه تقریر لرک اوقونمسی ایله برابر
مجلسک در حال یوم مذاکره تعیین ایتک مجبوریتی یوقدر . یوم مذاکره تعیینی
قرائتک فرداسنه و یا بر قاچ کون صکره نه تعلیق ایتک نمکندر .

فرانسه ده یوم مذاکره حکومتله بالاستشاره تعیین اولنور . فقط صاحب
تقریرک حکومتک تکلیف ایتدیکی کونی قبول ایتیمه رک بشقه بر کونده اجراسنی
سویله مکه حتی وارددر . مع مافیه کون تعیدی حقنده آلمش اولدینی حق کلام
وسيله سیله استیضاحک اساسه متعلق مواددن بحث ایده من . یعنی اساس حقنده
مذاکره ایتک منوعیتی یوم مذاکره ک تعییننه وابسته در .

بزم نظامنامه داخلیده ده «تقریرك قرائتی متعاقب اساس ماده نك مذا -
 كره سنه كیریشلمیه رك قبول وعدم قبولی حقیقده رأیه مراجعت اولنور .»
 دیو مصرح اولسنه نظراً اساس ماده نك قبولندن صكره تعیین یوم مذا كره
 خصوصنده مذا كره ایدلك جائز اولور . فقط بزم مجلس مبعوثانده حكومت
 هر زمان حاضر بولمیدینی جهتله استیضاح تقریری او قونوبده اساس قبول
 ایدلكدن صكره یوم مذا كره نك تعیین ده طوغریدن طوغری به عینی هیئت
 طرفندن اجرا ایدلكده اولدیغندن بوبابده جریان ایدك مذا كره حكومتله
 صاحب تقریر آره سنده دكل بلكه مبعوثلرك یكدیكری آره سنده جریان ایدر .

بزه تقریرك قرائت و قبولی اوزرینه تعیین ایدله ك یوم مذا كره ایچون
 معین و محدود بر زمان یوقدر . بونكه برابر ویریان استیضاح تقریرلرینك قبولی
 اوزرینه یوم مذا كره دائماً یقین بر زمانه تعیین اولنور . و بو خصوصده استیضاحك
 اجرایی ایچون ، كرك امور داخلیه و كرك امور خارجیه حقیقده اولسون ،
 نظاماً معین بر مدت یوقدر . حالو كه فرانسه ده مسائل داخلیه به متعاقب استیضاح
 تقریری قبول ایدلدیكى تقریرده یوم مذا كره تعییننده بر آی مدت تجاوز
 ایتدیریله مز . تقریرك قبولندن اعتبار آبر آی مدت ظرفنده استیضاح مذا كره سنك
 اجرایی لازمدر . فقط امور خارجیه حقیقده كی استیضاحلر بوقاعده دن خارجدر .
 اولر ایچون معین بر مدت یوقدر . حتی بعضاً بلا مدت تأخیر اولنور . چونكه
 مناسبات خارجیه غایت نازك اولدیغندن اوانسانده دوست بر دولته تعلقی اولان
 بر استیضاحك قبولی موجود اولان مناسبات حسنیه دوشمنلغه تحویل ایده بیلیر .
 حالو كه بونك سیاست جائز اوله میه جفی بدیهیدر .

استیضاح تقریرینك قبولی متعاقب در حال استیضاحك اجرای مذا كره
 سنه هیئت قرار ویرسه اجرا اولنه بیلور سه ده بو خصوصده استیضاحك عائد
 اولدینی ناظر ك موافقتی استحصال ایتك موافق اولور . زیرا ناظر ك موافقتی
 استحصال ایدله مش اولور سه ناظری استیضاح اولنه جق ماده حقیقده استحصال
 معلومات ایتك سزین جواب ویرمهك مجبور ایتكدر ؛ كه بیلمدیكى برشی حقیقده

جواب و ایضاحات و یرمک اوزره هیچ کیمسه نك جبر اولنه میه جنی طیبیدر .

استیضاح ایدیان ماده حقنده مذا کره نك کفایتنه قرار ویرلدیکی حالده یا دوغریدن اعطا ایدیلن ایضاحات کافی کوریلهرک شفاهاً و یا بسط بر تقریرک قبولی ایله تحریراً و یا خودده اسباب موجبیه مستند بعض قیود و شروطی حاوی بر تقریرک قبولیه استیضاح ختام بولور .

فقط اسباب موجبیه حاوی اولهرق ویریلن تقریرک ریاسته اعطاسی شرطدر . بر نطق میاننده در میان اولنان مطالعات و یا خود او قونان بر ورقه بو خصوصده شایان قبول اوله ماز . و بوقیل بر تقریرک صاحبی تقریرینی ریاسته تقدیم ایتمزدن مقدم کرسییه جیقارق مجرد مندرجات تقریرینی ایضاح ایتک صلاحیتی حاز اوله ماز .

بویله بر تقریرک اعطاسی اوزرینه جریان ایدمچک مذا کردیه نظر آصاحبی تقریریه دکشدر یرمک صلاحیتی حازدر . یعنی در میان ایتدیکی قیود و شروطک کافه سندن و یا بر قسمندن و از کجه بیلیر و بو فراغت کیفیتنی کرک ضبطنامهیه و کرک خلاصیه درج اولنور .

تقریرده شخصیاتدن بحث ایتک بالطبع جائز اوله ماز . فقط فرانسه ده بر ناظرک « احوال سیاسیة ماضیه سندن » باحث و « اشحو احوال ماضیه سی بو ناظرک بر جمهوریت قایینه سنده بولنسنه مانعدر » طرزنده یازلمش بر تقریر قبول اولنمشدر .

برده بر تقریر تعبیرات غیر لایقینه ، حاوی اولور و یا خود قواعد مشروطیه موافق اولمیهرق تنظیم ایدلمش بولنورسه رئیسک دکشدر تمکک صلاحیتی وارددر .

ویریلن ایضاحات کافی کوریلهرک روز نامهیه کچلمسی تکلیفی حاوی ویریلن تقریر ایله اسباب موجبیه محتوی تقریرلر اجتماع ایدمچک اولورسه اسباب موجبهدن عاری اولان تقریرک ترجیحاً قرائتی و رایه وضعی لازمدر . بزم نظام نامه داخلیده بویله ایکی قسم تقریرک اجتماعنده هانکی سئک ترجیحاً

او قونه جفته و رایه قونه جفته دائر صراحت یوقدر. فرانسه نظامنامه داخلینده ده مقدما بوصراحت مقفود اولدیغندن ناشی بر جوق زمانک بالا لزوم اضاعه ایدلمسی ایله برابر بونک مرکبک بسیطه ترجیحی دیمک اولدیغنه مبنی منطقه ده مغایر کوریلرک نظامنامه داخلی به اسباب موجب سز تقریرلرک دیکر لرینه ترجیحا رایه وضع ایدلمسی خصوصی تصریح ایدلشد. مع مافیه بو صراحت ویرلمش اولان عموم تقریرلرک. کرک اسباب موجبنی حاوی اولسون. کرک اولسون. قرائته مانع اولماز. زیرا مجلس مبعوثانک رأیی دائما مسئله نك هرجهتی بالتدقیق اکلایه رق اعطا ایتسی اساس مطلقدر.

اسباب موجبدن عاری تقریر اسباب موجبنی حاوی تقریرلرک بر قسمک قرائتندن و حق رایه وضعندن صکرده ویریله بیلیر. بو حالده اسباب موجب سز اولان تقریردیگر تقریرلردن اول رایه وضع اولنور. یعنی اسباب موجب سز تقریر حق ترجیحی دائما محافظه ایدر. فقط مختلف اسباب موجبنی حاوی اوله رق ویرلمش اولان بر تقریرک بر قسمی رایه وضع اولندیفی حالده اسباب موجبنی احتوا ایتمین بر تقریر ویرلسه برنجی تقریرک اقسام عمومیه سنک قرائتی ایله رایه وضع اولنوب ردندن اول رایه قونه ماز.

عجبا اسباب موجبنی حاوی بر تقریرک بالذاکره، لوائح قانونیه ده اولدیفی کبی، بعض تعدیلات اجراسی ایله قبولی جائز میدر؟ بو، نه قواعد سیاسیه و نه ده استیضاحک ماهیته موافق اولماز. زیرا هر تقریر ویرلیدیکی فرقه سیاسیه نك او خصوص حقنده کی افکارینی ارايه ایدر. بونی تعدیل ایتک ایستین اولورسه آیرینجه بر تقریر ایله تکلیف ایتلیدر. او حالده مجلس تقاریر مذکور نك ماهیته نظراً هانکی سنک تقدیم رایه وضع ایدلمسی لازم کله جکینی تقدیر ایدر.

بناء علیه اسباب موجبنی حاوی تقاریرده لوائح قانونیه کبی، موقع مذاکره به وضع ایدیلوب تعدیلات و یا علاوات کبی تصحیحات اجراسی موافق دکلدر. زیرا راستیضاحی نتیجه لندیرن اسباب موجبلی قرار مجلسک او مسئله ده حکومتک فصل خط حرکت تعقیب ایتک ایسته دیکنی تعیین ایدر، که فرق مخالفه نك تکلیف

ایده جکی متون تقریریه نك حكومتہ قطعی و ثابت بر خط حرکت چیزه بیله جکی دائماً داعی شبهه در .

استبضاح اوج صورتله نتیجه لیر : برنجیسی ، ویریلان ایضاحات شفاها ویا بر تقریر بسیط ایله تحریر آ کافی کوریلهرك روزنامه یه کچیلیر . ایکنجیسی حكومتك ویا ناظر ك استبضاح ایدیلان ماده حقنده ویردیك ایضاحات اسقاطی موجب بر درجده اولما مقوله برابر اوافق تفك خطاسی کوریلیر سه اسباب موجب بی حاوی بر تقریر اعطاسی ایله کوریلان خطانك حكومت ویا ناظره تصحیحی اخطار و تمیسی ایله نهایت بولور؛ كه بعضاً اسباب موجب نك آغیر اولمسندن ناشی حكومت قبول ایتمه رك موضوع بحث اولان کیفیتی قایینه مسئله سی یاهر ق یابلا قید و شرط اعتماد بیان ایدلمسی ویا خود مشروط اولان اعتمادی ده عدم اعتماد تلقی ایدهرك چكیله . جكینی بیان ایدر و بوحالده مجلس مسئله یی تدقیق ایدهرك ایجاب مصلحته كوره اتخاذ قرار ایدر .

اوجنجیسی ده ویریلان ایضاحات بر تقریر ایله ویا شفاهاً غیر کافی کوریلهرك عدم اعتماد رأی اعطاسیدر ؛ كه قانون اساسی عرك بالاده مندرج قرق اوجنجی ماده سی موجب بنجه ناظر ناظر لقدن دوشر .